



UPA 2019/59

24/4-2019

Nivi Olsen

Meeqcat atuarfiani digitalimut piorsaanerup taamatullu digitalimik atuinerup immikkut ilinniartitsissutigineqartalernissaat anguniarlugu inatsisisamut siunnersummik saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Suliamut tassunga atatillugu Naalakkersuisut attavigissavaat Institut for Læring aamma kommunit siunertaralugu UV-mut atortunik naapertuuttunik ineriartortitsinissaq aamma ilinniartitsisutut ilinniagaqareersut ilinniaqqissinnaanissaat.

(Inatsisartunut ilaasortaq Randi Vestergaard Evaldsen, Demokratiit)

(Siullermeerneqarnera)

Aaliangiiffingisassatut siunnersummut pingaaruteqarluinnartumut Randi Evaldsen-mut qujarusuprugut.

Aaliangiiffingisassatut siunnersuut demokratiiniik imak oqaaseqarfingerusupparput.

Siunnersuuteqartup tunngavilersuuterpassui uteqqissanngilagut, assortorneqarsinnaanngimmata.

Soorunami meerartagut pitsaanerpaamik sakkussaqarnissaat qulakteertariaqarpaput. Qanoq ililluta pinerlunnianut imminentu Illersorsinnaanerit internetsimik atuinerminni pitsaanerpaamik ilikkartissinnaavagut??

Isuma姜atingaarpot siunnersuuteqarpoq fag-itut ikkunneqarnissaa pinngittoorneqarsinnaanngittooq, taamaattorli aamma Demokratiiniik isumaqarpugut piffissanngortoq fagerineqartut meeqcat atuarfiani nalileroqqissagut.

Naalakkersuisut isuma姜atingaakka oqarmata tamakkiisumik meeqcat atuarfiani fagit qiviartariaqarigut. Fagit amerlitikiartuinnarsinnaanngilagut, pingarneriusariaqarpugulli.

Fagit ilai immaqa ullumikkut tulluuppallaarunnaartut taarserneqarsinnaaneri eqqartortariaqarpaput, suna tamarmi ineriartormat pingarluinnarpqo digitalinik atuisinnaaneq qulakkiissallugu.

Massakkullu aamma ineriartorneq sukkaqimmat, eqqarsaatingisariaqarpaput kommunini tamakkilersuni ipadtsinik atuineq eqqunneqaliivimmat. Taamaammat uumap siunnersuutip piffissami tulluarluinnartumi qaquinneqarnera qujassutingaarpot.

Kissaatinginaqaaq taamaammat Naalakkersuisut siunnersummut allannguutissatut siunnersuutaat ilalerparput. Kisianni aamma piffissaq peqqisaartumik sapinngisamik tuaviortumik Naalakkersuisut sulissuteqarnissaat kissaatinginaqaaq, tassami piffissaq ineriartornerlu digitalimik sukkaqqimmat meeqcat atuarfiani aaqqissusseqqinnerit piaartumik eqqartuiffinginissaat killiffissiorissaallu assut kissaatinginaqaaq.



Taamatut oqaaseqarluta Naalakkersuisut allannguutissatut siunnersuutaat ilalerlugu ataatsimiititaliamut susassaqartumut siunnersuut ingerlatinneqarnissaa innersuupparput.